

MISSINGIUT**Imaatigut ajunaarnernik, isumannaallisaanermik misissuinerit pillugit inatsimmik Kalaallit Nunaannut atuutilersitsinissaq pillugu peqqussut**

UAGUT KUNNGI FREDERIK QULINGAT, Guutip saammaassineratigut Danmarkip kunngia, matumuuna tulluuttut nalunaarutigaagut

Imaatigut ajunaarnernik isumannaallisaanermik misissuinerit pillugit inatsit pillugu inatsimmi nr. 457, 18. maj 2011-meersumi § 15, imm. 2, inatsimmi nr. 724, 25. juni 2014-meersumi § 6, imm. 2, imaatigut ajunaarnernik isumannaallisaanermik misissuinerit pillugit inatsit, imarsiornermik inatsimmik allannguineq pillugu inatsit aamma inatsisit assigiinngitsut allat aamma umiartortut atorfinitsinneqartarneranni pissutsit pillugit inatsit (imaatigut ajunaarnermut pissutaanermi pillaatissiinerup annertussusaanik qaffaaneq imaluunniit unneqqarissumik imarsiornermut akerliusumik imarsiornermi il. il. aamma aqqartartut ajunaarnerinik misissuinerit) aamma imarsiornermik inatsimmik allannguineri inatsimmi nr- 1384, 23. december 2012-meersumi § 10, imm. 3, tipputitsinermut inatsit 10. april 1895-meersaq, umiarsuarmi inuttat pillugit inatsit aamma inatsisit assigiinngitsut arlallit kiisalu sunngiffimmi angallatinut nalunaarsuineri akitsuummumut inatsisip atorunnaarsinneqarnera (umiiartunik peersinissamut aalajangersakkat ingerlanneqarnerat, ilaasut pisinnaatitaaffii pillugit peqqussut malillugu nalimmassaanerit, ilinniarsimanermut piginnaasaqarnermullu allagartanut akiliutit, umiarsuarnut umiarsuit nalunaarsorfiannut ilanngussimasunut ukiumoortumik akileraarummik atulersitsineq aamma umiarsuarmi aquttup ilaasunik il.il. annaassinissamik pisussaaffianik pineqaatissartaliineq), inatsimmi nr. 199-mi 25. februar 2025-mi allanngorneqartoq malillugit tulluuttutut allataalluni Kalaallit Nunaannut inatsit atuutissasoq aalajangerneqarpoq:

§ 1. Siunissami imaatigut ajunaarnissanut aarlerinaammik annikillisaanissaq siunertaralugu, imaatigut ajunaarnernik aamma pisunik misissuinerinik ingerlatsinermik suliaqartartussamik, Den Maritime Havarikommission-imik (imarsiornermi umiarnarrit pillugit ataatsimiititaliamik) erhvervsministeri pilersitsissaaq.

§ 2. Kalaallit Nunaanneersunik umiarsuarnik akuutitsiffiusut imaluunniit Kalaallit Nunaata imartaani pisimasunut, imaluunniit Kalaallit Nunaannit soqutigisanut annertuumik attuumassutilinnut allanut, imaatigut annertuunik ilungersunartunik ajunaarnerit, Havarikommission-imit misissorneqartassapput, taamaattoq tak. imm. 2.

Imm. 2. Meter-it 15-it ataallugit takissusilinni umiarsuarni aalisariutini, ajunaarnernik annertuumik ilungersunartunik misissuinerinik ingerlatsisoqassanngitsoq Havarikommission-imit aalajangiisoqarsinnaavoq.

MISSINGIUT

§ 3. Imaatigut ajunaartoqarsimasinnaanerani ulorianaateqarfiusimasumik, aamma § 2, imm. 1-imi eqqaaneqartunit allaanerusunik imaatigut ajunaarnernik allanik, Kalaallit Nunaanneersunik umiarsuarnik akuutitsiffiusut, imaluunniit Kalaallit Nunaata imartaani pisimasut, imaluunniit Kalaallit Nunaannit soqutigisanut annertuumik attuumassutillit allat, misissorneqarnissaat, Havarikommission-imit aalajangerneqarsinnaavoq. Aammattaaq aqqartartunut suliat aamma aqqartartunut atortut pillugit il. il. pillugit inatsimmut ilaatinneqartut, aqqartartunut suliat pillugit, ajunaarnerit misissorumallugit, Havarikommissioni aalajangiisinnaavoq.

Imm. 2. Imaatigut ajunaarnernik ilungersunartumik misissuimasoqassanngitsoq Havarikommission-imit aalajangerneqarpat, aalajangiineq tunngavilersorneqassaaq.

Imm. 3. Taamaallaat tulliuttut

- 1) umiarsuit sorsuutit imaluunniit umiarsuit allat, naalagaaffimmit pigineqartut imaluunniit ingerlanneqartut, aammalu taamaallaat siunertanut inuussutissarsiornerrunngitsunut naalagaaffimmit atorneqartut,
- 2) umiarsuit maskiinanik ingerlateqanngitsut, umiarsuit qisunnik atortorpassuaqarani sanaajusut aamma angallatit sukisaarsaarutit, inuussutissarsiornissaq siunertaralugu inuttaligaanngippata aqqaneq-marlullu sinnerlugit ilaasoqanngippata,
- 3) angallatit taamaallaat nunap iluatigut imarsiutit, kuussiutit aamma ikerasassiutit, aamma
- 4) avataasiorfiit aalajangersakkat,

akuutillugit imaani ajunaarnernik aammalu pisunik Havarikommissioni misissuisassanngilaq.

Imm. 4. Suut imaatigut ajunaarnertut aamma pisutut, sumi imaatigut ajunaarnissamut aarlerinaateqarsimanersoq, qaqugukkullu taamaattut ilungersunartutut aamma annertuumik ilungersunartutut isigineqassaneri pillugit nunani tamalaani isumaqatigiissutit attuumassutillit eqqarsaatigalugit maleruagassanik erseqqinnerusunik erhvervsministeri aalajangersaasinnaavoq.

§ 4. Soqutigisamikkut misissuinnermik suliamut akorngutaasinnaasunut inunnut, suliffeqarfinnut aamma qitiusumik ingerlatsivinnut Havarikommissioni attuumassuteqassanngilaq.

Imm. 2. Havarikommission-imi sulisuusut, nalinginnaasumik misissuinnermut Havarikommission-imi sulianut ilaasunut suliaqarfigisamut ilinniakkatigut ilisimasaqartuussapput.

§ 5. Ajunaarnerni imaluunniit pisuni pillaatissiinnermut inatsisinut imaluunniit taarsiiffiginnittarnermut inatsisinut tunngasut Havarikommission-imit isummerfigineqassanngillat, aammalu, akisussaaffimmik imaluunniit pisuussuteqarnermik inissiinissamut siunertalinnit, pillaaasarnermut inatsisinut imaluunniit ingerlaqatigititanik misissuinnermit allanit, misissuinnerit avissaarsimatinneqassapput.

Imm. 2. Havarikommission-imit aamma tamatumani sulisunit kiisalu Havarikommission-imik ikiuisunit, inunnit aamma suliffeqarfinnit, misissuinnermit suliamit allaanerusunut siunertanut allanut atugassatut, paasissutissanik tulliuttunik tunniussisoqaaqusaanngilaq:

MISSINGIUT

- 1) Ilisimannittutut nassuiaatinik aamma nalunaarutunik, nalunaarusianik misissuinnermut atatillugu tiguneqartunik tamanik, aammalu nassuiaatinik eqqaaneqartunik il. il., tigusiinnermut atatillugu eqqaamaqqutissatut allatanik,
- 2) misissuinnermut atatillugu, inuit nassuiaasimasut kinaassusiinik qulaarisunik paasissutissanik, aamma
- 3) immikkut mianernartutut imaluunniit inummut namminermuinnaq tunngasutut, tassunga ilagillugit peqqissutsimut paasissutissat, pissusilinnik imaani ajunaarnermut imaluunniit pisumut akuutinneqarsimasut inuit pillugit paasissutissat.

Imm. 3. Havarikommissioni, paasisimasallit tikisitat aamma allat, misissuinnermi Havarikommission-imit suliarineqartumi peqataasut, akisussaataillutik misissuinnermut atatillugu ilisimalikkatik pillugit Kalaallit Nunaannut pinerluttulerinnermik inatsimmi §§ 50-imiit 54-imut malillugit susassaqaqqutissatut isertuussinissamik pisussaataapput.

Imm. 4. Pisortat ingerlatsinerat pillugu takunnissinnaatitaaneq pillugu inatsimmi, suliamut allagaatinik takunnissinnaatitaaneq pillugu aalajangersakkat, imaatigut ajunaarnermik imaluunniit pisumik, paasissutissat tamakkua misissuinnermi ingerlasumi ilaappata, imm. 3-mi killissarititat iluanni Havarikommission-imit oqartussaqaqqutissatut allanut ingerlateqqinneqartunut, paasissutissanut atuutinngillat.

Imm. 5. Imaatigut ajunaarnermik nalunaarusiamik inaarutaasumik takkuttoqarnissaata tungaanut imaluunniit nalunaarusiamik taamaattumik suliaqartoqaqqutissatut pillugu aalajangiisoqarnissaata tungaanut imm. 4-mi aalajangersagaq taamaallaat atuuppoq.

Imm. 6. Imm. 2-mi eqqaaneqartut paasissutissat, inuiaqatigiinnit soqutigisamut pingaarutilimmut attuumassuteqarpata, ingerlateqqinneqarsinnaasut aamma isumannaallisaanermik misissuinnermit allaanerusumit, siunertamut allamut atorneqarsinnaasut, Havarikommission-imit aalajangerneqarsinnaavoq. Havarikommission-imit tamanna pillugu aalajangigaq, Imarsiornermik pissutsinut Maalaarutinut Ataatsimiititaliap siulittaasuanut naammagittaalliutigineqarsinnaavoq.

§ 6. Havarikommission-imit misissuinnerit, imaatigut assartuinnermik susassaqaqqutissatut ajunaarnermik misissuinnermut nunani tamalaani tunngaviummik najoqqutassiat naapertorlugit suliarineqartassapput.

Imm. 2. Erhvervsministerip ministerimik pineqartumik isumaqatigiinniaqatiginninnera malillugu, oqartussaaffinnik allanik Havarikommission-imit suleqateqarneq, aamma taassuma nunani allani misissuisarnernut peqataasarnera pillugit maleruagassanik aalajangersaasinnaavoq.

Imm. 3. Havarikommission-imit misissuisarnernik suliaqartarneq pillugu, aamma nalunaarusianik tamanut saqqummiussisarneq aamma isumannaallisaanermut innersuussutit pillugit, tassunga ilagitillugit inuit peqqissusaannut pissutsit pillugit paasissutissat, tamanna siunissami ajunaarnermik

MISSINGIUT

pitsaaliunerup pisariaqarfiini imaluunniit tamakkua kingunissaat killilersimaarniarlugit, tamanut saqqummiussisarneq pillugu, maleruagassanik sukumiinerusunik ministeri aalajangersaasinnaavoq. Aammattaaq naammagittaalliutinik suliarinnittarneq pillugu maleruagassanik ministeri aalajangersaasinnaavoq.

Imm. 4. Pisumi, ajunaarnermi imaluunniit pisumi § 2, imm. 1-imut, imaluunniit § 3, imm. 1-imut ilaatinneqartumi naalagaaffiit allat annertuumik soqutigisaqarfigisaanni, tassunga ilagitillugit misissuineramik suleqatigiissitat sorliit misissuineramik aqutsisuunissaat aammalu misissuinermi peqataasut suleqatigiissitat allat, misissuineq pillugu naalagaaffinni pineqartuni misissuineramik suleqatigiissitanik Den Maritime Havarikommissioni isumaqatigiissuteqartarpoq.

Imm. 5. Naak tamakkua ajunaarnermi imaluunniit pisumi annertunerusunik soqutigisanik peqanngikkaluartut, isumaqatigiissuteqarnikkut, pisuni immikkut ittuni, misissuinerit, nunani allani misissuineramik ingerlatsivinnut, Havarikommission-imit tunniunneqartarsinnaapput. Aammattaaq, nunani allani misissuineramik ingerlatsivimmik isumaqatigiissuteqarnikkut, taassuminnga pisussaaffigineqartumik misissuineramik Havarikommissioni ingerlatsisinnaavoq.

§ 7. Misissuineramik suliamut atatillugu Havarikommission-imit pisariaqartutut naatsorsuutigineqarpat, kommissionimi sulisut aamma ikiortiusinnaasut kiisalu § 6-imi eqqaaneqartuni nunani allani misissuineramik ingerlatsivinni sulisut, qaqugukkulluunniit naleqquttumik kinaassutsimut uppersaammik takutitsinikkut eqqartuussivimmit akuersissutaateqaratik,

- 1) umiarsuarnik ingerlatsinermut attuumassutilinnut inuussutissarsiornermik ingerlatsinermik suliaqarfiusunut, umiarsuarnut aammalu ininut akorngusigaanngitsumik misissuinissamut aammalu sumiiffimmik attuumassutilimmik imaluunniit ajunaarfimmik, umiarnermik imaluunniit sanaamik, ilaatillugit usinik, atortunik imaluunniit umiarnarlukunik sunilluunniit misissuinissamut,
- 2) umiarnernik, umiarnarlukunik aamma sananeqaatinik allanik imaluunniit akuutissanik misissuinissaq imaluunniit misissueqqissaarnissaq siunertaralugu atortussianik uppersaataasussanik ingerlaannarlunnaq katersinissamut aamma nakkutigisamik ujarlernissamik tamakkualu piiarnissaannik,
- 3) nr. 2-mi eqqaaneqartunik pisattanik, misissuineramik imaluunniit misissueqqissaarnernik aallartitsinissamut aammalu misissuinerit imaluunniit misissueqqissaarnerit taamaattut inernerinut akorngusigaanngitsumik misissuinissamut,
- 4) umiarsuarmut, angalanermut, usinut, inuttaasumut imaluunniit inunnut allanut, pequttanut, piumasagaatinut imaluunniit pissutsinut atatillugu, attuumassutilinnik paasissutissanik aamma qarasaasiakkut paasissutissanik nalunaarsukkanik, tassunga ilagitillugit VDR-imut (VDR = Voyage Data Recorder (Umiarsuarmi angalanerit paasissutissanik immiussissut)) atortut, akornusigaanngitsumik misissuinissamut aamma assiliinissamut aamma atuinissamut pisinnaatitaanissamut,

MISSINGIUT

- 5) ajunaarnernut § 2-mi eqqaaneqartunut akuutinneqarsimasut eqqugaasut timaanniit misiliutinik tigusanik misissuinerit imaluunniit misissueqqissaarnerit inernerinik akornusigaanngitsumik misissuinissamut,
- 6) inunnit attuumassutilinnut misiliutissatut tigusanik misissuinerit imaluunniit misissueqqissaarnerit inernerinik akornusigaanngitsumik misissuinissamut,
- 7) tamakkua soqutigisaannit misissuinerimik ajornakusuulersitsisinnaasutut isigineqartunik allanik najuuttoqartinnagu, inuit akuusut apersornissaannut, aamma
- 8) isumannaatsumik umiarsuarmik ingerlatsineq, inuttat aamma imarsiornermik inuussutissarsiornermik kattuffiit, kiisalu, tamakkua Kalaallit Nunaanni imaluunniit Danmarkimi pilersitaappata, peqataasut attuumassutillit pillugit isumaqatigiissut naapertorlugu, isumannaallisaanermik akisussaannermut akuerisaasuniit, nakkutilliinermut oqartussaasuniit, akuersissutinik assigiinngitsunik tunniussisartuniit ingerlatseqatigiiffinniit, umiarsuaatileqatigiiffimmiit aamma ingerlatseqatigiiffinniit imaluunniit inunniit, misissuinerimut nalunaarusianik aamma paasissutissanik allanik attuumassutilinnik pissarsinissamut, pisinnaatitaapput.

Imm. 2. Aammattaaq Havarikommission-imit, naalagaaffinni akuusuni, tassunga ilagitillugit naalagaaffinni erfasoqarfigineqartuni- aamma umiarsualiviusuni misissuisartut, sinerissami alapernaarsuisut, umiarsuarnut angallattunut kiffartuussisut aammalu ujaasinerimik- aamma annaassiniarnermik kiffartuussisut, kiisalu umiarsuaatileqatigiiffiit, ilisimasortaasartut aammalu umiarsualivinni aamma imarsiornermi sulisut allat, paasissutissanik pissarsiniartoqarsinnaavoq aamma oqartussaqaqfinit attuumassutilinnit ikiorneqarnissaq qinnuteqaatigineqarsinnaavoq.

Imm. 3. Isumannaallisaanermik misissuinerimik ingerlatsiveqarfiit akunnerminni, Europami suleqatigiinnerup killissarititaasa iluanni, paasissutissanik pissarsiniarnermi, misissuinerimik ingerlatsiveqarfinnik Havarikommission-imit ikiuuttoqartillugu, imm. 1 aamma 2 assinganik atuutissapput.

§ 8. Umiarsuaatileqatigiiffiup naalagaata, aamma maskinchef-iata aamma kialuunniit taakkununga sinniisuusutut iliuseqartup, ajunaarnerup siornatigut, nalaani aamma kingorna piffissamut, paasissutissat tamarmik, tassunga ilagitillugit immap assinganiit, nalunaarsuivinniit, qarasaasiakkut aamma magnet-imik immiussaniit- aamma videobånd-iniit, VDR-imut (VDR = Voyage Data Recorder) atortuniit aamma ikkussuutaniit elektronisk-iusuniit allaniit paasissutissat, misissuinerimik ingerlatsinermut attuumassuteqartutut isigineqarsinnaasut, Havarikommission-imit atornerqarsinnaanissaasa, aammalu paasissutissat taamaattut, qallerneqannginnissaasa, allannngortinneqannginnissaasa imaluunniit atortunit allanit ajoquserneqannginnissaasa, isumannaarneqarnissaat qulakkiissavaat. Taamatuttaaq allat imaani ajunaarnermut imaluunniit pisumut eqqugaasimasut, immap assinganiit, nalunaarsuivinniit, qarasaasiakkut aamma magnet-imik immiussaniit- aamma videobånd-iniit, VDR-imut (VDR = Voyage Data Recorder) atortuniit aamma

MISSINGIUT

ikkussuutaniit elektronisk-iusuniit allaniit paasissutissanik, misissuineramik ingerlatsinermut attuumassuteqartunik tigummisaqartut, tamakkua Havarikommision-imit atorineqarsinnaatissavaat, aamalu paasissutissat taamaattut, qallerneqannginnissaat, allanngortinneqannginnissaat imaluunniit atortunit allanit ajoquserneqannginnissaat qulakkiissavaat.

§ 9. Umiarsuup ingerlaqqinnissaa, Havarikommision-ip sulineranik akorngusiinermik nassataqarpat, umiarsuup ingerlaqqinnissaata kinguartinneqarsinnaanera, tassanngaannit peqqusissutigineqarsinnaavoq. Umiarsuup pisariaqanngitsumik tigummigallarneqannginnissaa aamalu umiarsuarmi sullinnerup pisariaqanngitsumik ajornakusuulersinneqannginnissaa, Havarikommision-imit isumagineqassaaq.

§ 10. Aammattaaq pisariaqartunik misissuinissamut suliaqarnissamut Havarikommision-imit periarfissaqarfigineqareerserlugu, umiarnernik aamma umiarnarlukunik piiasoqaqqusaanngitsoq imaluunniit attuisoqaqqusaanngitsoq, Havarikommision-imit aalajangerneqarsinnaavoq. Umiarsuaq kivisimappat imaluunniit ikkarlissimappat imaluunniit tissukarpat, umiartornermullu isumanaassusermut imaluunniit avatangiisinut ulorianaateqalersinnaalluni, ulorianaat tamanna qanoq pinngitsoortinneqarsinnaasoq, kommission-ip aamma Søfartsstyrelsen-ip imaluunniit Forsvarskommando-p akornanni isumaqatigiissutigineqassaaq.

§ 11. Manna inatsit malillugu Havarikommision-imit aalajangiinera, taamaattoq tak. § 5, imm. 6, oqaaseqatigiit 2., allaffissornikkut oqartussaqaqfinnut allanut maalaarutigineqarsinnaanngilaq.

Imm. 2. Taamaattoq § 9 malillugu Havarikommision-imit aalajangiinerit, umiarsuaatileqatigiiffimmit pineqartumit, Ankenævnet for Søfartsforhold-imut (Imarsiornermi pissutsit pillugit Aalajangiinernut Naammagittaalliutinut Ataatsimiititaliamut) maalaarutigineqarsinnaapput. Taamatuttaaq, oqaaseqatigiit 1. malillugit naammagittaalliutinik taanna suliaqaraangat, § 5, imm. 2 ankenævn-imut atuuppoq.

§ 12. Inatsimmut matumunnga ilaatinneqartut pissutsit pillugit havarikommision-ip aamma suliffeqarfiit akornanni allakkatigut attaveqatigiinneq qarasaasiakkut ingerlanneqarnissaat pillugu maleruagassanik erhvervsministeri aalajangersaasinnaavoq. Ilaatillugit, qarasaasiami aqqissuussanik (it-system-inik) aalajangersimasunik, qarasaasiami ilutsinik aamma qarasaasiakkut atsiornermik immikkut ittunik, atuinissaq pillugu, maleruagassanik ministeri aalajangersaasinnaavoq.

§ 13. Taanna § 8-mik unioqqutitsisoq, imaluunniit inatsit naapertorlugu nalunaarutigineqartumik, imaluunniit inatsit malillugu atuutilersinneqartut malittarisassiat naapertorlugit, peqqusummik malinninngitsoq, Kalaallit Nunaanni pinerluttulerinermi inatsit malillugu pineqaatissinneqassaaq.

MISSINGIUT

Imm. 2. Kalaallit Nunaanni pinerluttulerinermi inatsimmi kapitali 5-imi maleruagassat malillugit ingerlatseqatigiiffiit il. il. (inatsisitigut pisinnaatitaasut pisussaataasullu) pinerluttulerinermi inatsisitigut akisussaatinneqarsinnaapput.

Imm. 3. Imm. 2 malillugu pinerluttulerinermi inatsisitigut akisussaataanermi, inuit, umiarsuaatileqatigiiffimmit allaasumit pigineqartumi umiarsuarmi sulisussatut atorfeqartinneqartut, aammattaaq umiarsuaatileqatigiiffimmut attuumassutiliusutut isigineqartarput. Umiarsuarnik isumannaatsumik ingerlatsinissaq pillugu isumaqatigiissutit naapertorlugit, uppersaait pigisariaqakkat ilaannik pisumut attuumassutilimmik allakkiamik, imaluunniit umiartortut suliffiini pissutsit pillugit isumaqatigiissutit naapertorlugit allagartamik (certifikat-imik) atuutilersitsisoqarsimappat, kattuffimmut imaluunniit inummot allamut, aammattaaq, allakkiap atuutilersinneqarfianut, umiarsuup naalagaa aamma umiartortut tamatumunnga attuumassuteqartutut isigineqartarput.

Imm. 4. Inatsit malillugu atuutilersinneqartuni malittarisassiani, Kalaallit Nunaannut atuutilersinneqartoq pinerluttulerinermi inatsit malillugu pineqaatissiissutini aalajangersaasoqarsinnaavoq.

§ 14. Kunngip peqqussutaatigut Kalaallit Nunaannut atuutilersinneqartoq, peqqussummut nalunaarut nr. 1674, 16. december 2025-meersoq naapertorlugu, imaatigut isumannaallisaaneq pillugu inatsimmi, tulluuttut allannguutigittinneqarput:

1. § 4, imm. 3, tulluuttutut allanneqarpoq:

»Imm. 3. Imaatigut ajunaarnernut europami paasissutissiinermut kateriffimmut, imaatigut ajunaarnerit aamma pisut allat pillugit aammalu oqartussaasut tamatumunnga kalleriuteqartarnerat pillugu Søfartsstyrelsen-imut nalunaarutiginnittussaataaneq pillugu erhvervsministeri malittarisassanik aalajangersaasinnaavoq.«

Uani tunniunneqarpoq ... ulloq ...

Kunngiussutsitsinnik Atsiorpugut Naqissusiillutalu

FREDERIK R.

/Morten Bødskov